

中有出家人喜樂問難得值善師爲說名色寂滅語言道斷無起無失通達無相得聞如是無生無滅無相之法不驚不畏者當知是人已曾供養無量諸佛能知我法可名聖衆

佛藏經卷第一

十六末

念六

嚼咽上才約見反縱廣容反械伐音蚊文梯蹬湯上
都鄧下下藕音偶垂土卧杵先擊測昌側獮猴音上
弥叢自紅反牧牛上音褲辱音糟粕下子曹反

佛藏經卷第二

念七

姚秦三藏法師鳩摩羅什譯

淨戒品第五

佛告舍利弗破戒比丘有十憂惱箭難可堪忍比丘成就十憂惱箭則於佛法不得滋味憎說法者不樂親近何等爲十舍利弗破戒

朱明刊

比丘見僧和合不生喜心何以故和合布薩必驅我出是惡比丘自知有過常懷憂惱於持戒者瞋恨不喜舍利弗是名破戒比丘初憂惱箭必墮惡道復次舍利弗破戒比丘衆所憎惡不欲親近如惡牛利角人所捨遠是惡比丘自知有過常懷疑憂惱舍利弗是名破戒比丘二憂惱箭必墮惡道復次舍利弗破戒比丘遙見比丘衆自知不同惡心捨離懷愧恥故不能入衆舍利弗是名破戒比丘三憂惱箭必墮惡道復次舍利弗破戒比丘毒惡心盛不可化喻猶尚無有外道戒法況於淨戒以其破戒因緣人不親近舍利弗是名破戒比丘四憂惱箭必墮惡道復次舍利弗破戒比丘以他財物自養其身我說此人爲重擔者所以者何行者得者應受供養破戒比丘非是行者非是得者是故舍利弗破戒比丘當於百千萬億劫數割截身肉以償施主若生畜生身常負重所以者何如析一

髮爲千億分破戒比丘尚不能消一分供養
況能消他衣服飲食卧具醫藥舍利弗破戒
比丘著聖法服猶尚不應入寺一步何況得
受一飲之水乃至牀櫈何以故舍利弗如是
惡人於天人中是爲大賊一切世間皆應遠
離舍利弗是敗壞人即是怨家如來悉聽一

切世間皆至我所破戒之人如來手遮非我
弟子何況一日住我法中舍利弗譬如死人
死蛇死狗最爲臭穢清淨諸天欲遊戲時不
應得見若見則遠如是舍利弗破戒比丘如
彼三尸臭穢不淨智者遠離不與同事布薩
自恣舍利弗破戒比丘於我法中爲是不吉
持戒比丘見此破戒即時遠離何以故若破
戒比丘手所觸物及所受物於持戒者則爲
毒惡舍利弗正使三尸臭穢滿地我能於中
行四威儀不能與此破戒比丘須臾共住何
以故舍利弗是爲沙門中卑陋下賤爲沙門
中朽壞弊惡爲沙門中糲糠爲沙門中垢爲

念七

二

朱

沙門中濁爲沙門中汙爲沙門中曲爲沙門
中鹿爲沙門中失聖道者如是等人於我法
中出家求道而得重罪舍利弗如是之人於
我法中爲是逆賊爲是法賊爲是欺詐詐僞
之人但求活命貪重衣食是則名爲世樂奴
僕舍利弗譬如黃門非男非女破戒比丘亦

復如是不名在家不名出家命終之後直入
地獄舍利弗譬如蝙蝠欲捕鳥時則入穴爲
鼠欲捕鼠時則飛空爲鳥而實無有鼠鳥之
用其身臭穢但樂閑冥舍利弗破戒比丘亦
復如是既不入於布薩自恣亦復不入王者
使役不名白衣不名出家如燒尸殘木不復
中用如是比丘無有戒品定品慧品解脫品
解脫知見品但有具足破淨戒品不能出大
微妙音聲戒聲定聲慧聲解脫聲解脫知見
聲但出毀戒弊惡音聲與諸同惡俱出惡聲
但論衣服飲食牀卧受取布施樹木華果爲
貴人使及論國土吉凶安危戲笑衆事諸不

善語常於日夜比丘如是身業不淨口業不淨意業不淨當墮地獄舍利弗是破戒比丘樂於闇冥如彼蝙蝠聞說正經以爲憂惱所以者何如實說故世間之人不喜實說但樂順意如是比丘於說法者心不清淨重更爲罪增益地獄舍利弗是名破戒比丘五憂惱

念七

三

朱

箭必墮地獄復次舍利弗破戒比丘無有羞恥諸根散亂成就不淨身口意業不淨威儀所著衣服皆不如法好喜妄語不能護口心常馳騁染於垢穢舍利弗如新瓦器盛以屎尿臭爛膿血後去不淨著栴檀香復去栴檀如是瓦器有何等氣世尊是新瓦器先盛屎尿臭氣堅著唯有臭氣無栴檀香舍利弗人以清淨信等諸根出家學道遇惡知識而隨其教舍利弗何等爲惡知識惡知識者常好調戲輕躁無羞言語散亂不攝諸根心不專一癡如白羊親近如是惡知識者失須陀洹果斯陀含果阿那含果阿羅漢果乃至失於

生天之樂況涅槃道但能修集破法罪業與破戒法者而共從事是人成就不淨身業不淨口業不淨意業不淨持戒身死之後入於惡趣云何惡趣惡趣名爲地獄畜生餓鬼阿脩羅道復有惡道如阿由勒蟲婆伽羅目咷蟲浮彌修遮迦蟲修脂目迦蟲是人多生此諸蟲中舍利弗是人隨惡知識若生人中父母生離死亡喪失親里裹惱國土破壞生八難中捨八樂處多欲慾癡常好調戲輕躁無羞言語散亂不能攝心癡如白羊爲貪欲瞋恚愚癡所壞聾痪盲瞎手腳攀躋值惡知識生無佛處若值佛世目不喜見不喜聞法不與佛衆而共和合起是惡業惡人共生樂下劣法於正見中生邪見想於邪見中生正見想是名下欲下忍下慧舍利弗下慧之人終不能爲獸離滅道涅槃生心舍利弗遇惡知識而得如是諸衰惱患有是相貌是人聞是諸深經法驚疑怖畏如墮深坑則墮大羅深

坑塗中何以故舍利弗如經中說破戒比丘
有大重罪何因緣故名爲破戒破所受戒難
可教語行無常准多所違逆常行貪著多雜
糅行貪瞋癡行樂諸雜語名爲破戒復有樂
多事務樂多諷誦樂多睡眠所言不順無有
次第說不清淨貪著我人壽者命者是故名

念七

四

朱

爲弊惡比丘不知節量不知沙門法不知婆
羅門法樂行醫術販賣求利樂爲國使汙染
諸家樂與白衣給使作務以諸樹葉華果奉
上好爲白衣說外道法心常捨離出世間法
未滿二十受具足戒受戒事中有諸不具形
體缺少不應於法受生米穀錢帛金銀不順
教誨拒逆師命不自知身不知他入不能分
別貴賤差品好喜妄語貪著惑取行事散亂
心不專一面有瞋相慳貪不信不識恩義多
懷貪欲睡眠調戲疑惑瞋恨覆藏罪惡好自
專執嫉妬詭曲無有慚愧自大放逸憍慢我
慢大慢邪慢好行欺誑讚美其身多作方便

開利養門陵踐白衣爲現親厚因勢得財以
跨衆人毀破戒品定慧解脫品解脫知見品
於佛法衆心不定信不信業報貴於現利謂
無後世多諸疑悔志性淺弱常好驚怖舍利
弗是名弊惡比丘如是癡人於我法中便是
屎尿臭穢不淨是人成就身口意惡命不清
淨故命終之後墮在惡道入大地獄如是比
丘諸佛如來及弟子衆常所遠離餘好道者
求滅度者亦皆不近舍利弗譬如栴檀置不
淨器同於不淨不復任用如是舍利弗若在家
出家親近是人習効所行亦破戒品不久
同惡顏色毀悴破失威儀命終之後生地獄

念七

五

朱

中舍利弗如是惡人諸佛如來及弟子衆并
餘求道好滅度者皆所遠離舍利弗譬如栴
檀置不淨器不復任用如是舍利弗若在家
出家雖以塗身猶雜不淨舍利弗此惡比丘
亦復如是雖座衆中著聖法服然是比丘惡
相猶現梵行比丘見此不淨遠而不近而見

他遠離心則瞋恨以是因緣死入地獄舍利弗是名破戒比丘六憂惱箭必墮地獄復次舍利弗破戒比丘聞佛所說如是等經心不清淨歡喜信樂自知有過便疑此經爲我等說不爲餘人何以故如我等比丘有此事故舍利弗如是上妙無比之法破戒比丘乃生瞋恨於說法者心多不信得聞如是佛所說經違逆不受而作是語此非佛說教語餘人何以故破戒比丘不樂修道修道比丘不逆佛語此皆破戒愚癡惡法謂心不信違逆佛語如是比丘自知有過但生瞋恨憍慢很戾惡邪慢心謗佛法僧舍利弗隨此比丘聞是諸經違逆不信心不通達無上菩提教語諸人非佛所說舍利弗佛說是人則爲謗法以謗法故爲非沙門非釋種子應當滅擯是等比丘若干百千萬億諸佛三輪示現不能令悟使得道果何以故舍利弗如是惡人於此法中自作障道無復生分無有信心但好衣

食貪樂世利我說此人必墮地獄舍利弗我今明了告汝若人違逆如是法寶於好生處永無有分但生惡處常盲無目舍利弗是諸比丘憍慢熾盛不能定說破我正法其餘衆人不能自活爲利養故隨破我法舍利弗如是法寶爾時壞滅何以故如是法寶一切諸佛皆共恭敬諸辟支佛阿羅漢等亦皆恭敬破戒比丘增上慢者不定說法諸比丘等爾時皆共輕慢我法而共遠離多懷慳貪專求生業貴於財利嫉妬所縛常好諍訟互生怨隙不相敬順無有威儀志性輕躁猶如獮猴轉易威儀行諸惡業違沙門法遠離賢聖舍利弗如是惡人覆藏瑕疵多欲多求以財自活惡魔知心爲作方便令其乖異各共散壞一味僧寶分爲五部既有五部則生諍訟互相是非論說過失舍利弗如今比丘互相教化互相恭敬同心共行隨順佛語爾時比丘不相教化不相恭敬見作惡者畏而捨去不

念七

六

朱

能以法互相教誨或時雖有多聞深智猶懷
惰慢輕賤餘人各以所是自立其論不喜相
見況能受教舍利弗如來在世三寶一味我
滅度後分爲五部舍利弗惡魔於今猶尚隱
身佐助調達破我法僧如來大智現在世故
弊魔不能成其大惡當來之世惡魔變身作

沙門形入於僧中種種邪說令多衆生入於
邪見爲說邪法謂彌樓陀羅迦婆闍事五分
事念念滅事一切有事有我事有所得事爾
時惡魔說如是等邪貪著事如是事者非諸
佛及佛弟子所說爾時惡人爲魔所迷各執
所見我是彼非舍利弗如來預見未來世中
有如是等破法事故說是深經悉斷惡魔諸
所執著舍利弗當爾之時間浮提內多是增
上慢人作小善順便謂得道命終之後當隨
惡趣何以故是人長夜自謂得道亦復稱說
他人得道冒受聖人所供養事是人於諸天
人世間爲大惡賊如是癡人聞說第一實義

卷七

七

朱

驚疑怖畏如墮深坑舍利弗有諸比丘樂此
事者相與共集破壞諸佛無上菩提爾時增
上慢人偏執者多惡魔又復迷惑在家出家
者心令執非法說正法者少於援助則便散
壞不復得立舍利弗爾時世間年少比丘多
有利根所以者何諸出家者有餘煩惱還生
人中即復出家是諸比丘喜樂問難推求佛
法第一實義舍利弗爾時增上慢者魔所迷
惑但求活命實是凡夫自稱羅漢謂諸年少
比丘等言善身口意此是佛法第一實義善
護淨戒讀誦經法勤修多聞是名順忍因緣
所謂淨心信佛又有第一實義汝當繫心緣
中專念涅槃滅三種苦則能厭離五陰十二
入十八界汝等當於靜處觀此陰界入法悉
皆無常自觀其身種種不淨汝等能如是觀
當得須陀洹果又能於是五陰等法深觀無
常苦空無我無有堅牢則得斯陀含轉復深
觀得阿那含得阿羅漢是爲第一實義是中

年少比丘復問於佛法中阿羅漢果便是第一義耶我等亦知是事得阿羅漢是第一義今此五陰爲憶念者生爲不憶念者生答言是五陰者憶念者生不憶念者不生復問憶念與五陰爲異不答言如五陰憶念亦爾復問若如五陰憶念亦爾者誰是念五陰者答言若無念五陰者則無涅槃實有念五陰者是故有修八直聖道入涅槃者舍利弗未來世中多有比丘成就此忍舍利弗爾時會中多諸天衆欲聞佛法第一實義聞是增上慢者所說心生疑悔如墮深坑咸作是言咄哉釋迦牟尼佛法今將速滅舍利弗中有成就善根比丘謂是比丘癡人空老增上慢者有五陰相十二入十八界相者不受此語不喜不悅從座而去舍利弗爾時諸天心大歡喜四方唱言釋迦牟尼佛猶有好弟子在是諸人等善根不少不喜聞是不淨所說謂我見人見諸天聞此皆大歡喜稱揚讚歎是利根

念七

八

朱

者喜樂難問必皆成就無生法忍如是人等合集一處共爲徒侶人衆既少勢力亦弱舍利弗爾時我諸真子於父種族尚無愛語況得供養住止塔寺舍利弗汝且觀之爾時如來便爲輕微我滅度後我諸子等成就善寂無所得忍時亦輕賤我以是故於無數劫摧諸怨敵化諸一切天王人王令心清淨所以爾者令我諸子得安父位舍利弗如來今以一切世間天人爲證如來如法得阿耨多羅三藐三菩提轉無上法輪沙門婆羅門若天魔梵所不能轉舍利弗如是現事如來滅後我此阿耨多羅三藐三菩提我諸弟子等欲廣流布是諸惡人不能證明亦復不能施與無畏舍利弗譬如蜜瓶置四衢道而作是言若人能食一毛頭者常不老死爾時諸天出人各以刀仗衛護是瓶時衛護者各作是言若或有人食一毛頭者我等當殺舍利弗中有一人竊作是念是瓶中蜜食一毛頭則不

老死我今何爲惜死不歟若得歟已則便不畏諸衛護者亦可常得無老病死如是定心不惜壽命直詣瓶所諸衛護者各持刀仗競欲殺之舍利弗是人若能刀仗未及食一滴者則免喪患無復老死如是舍利弗多有惡人魔及魔民欲滅我法如來滅後若有人能

金七

九

朱

隨順空法通達無礙則於諸法心無所得成就上忍爾時雖爲惡人所輕沮壞其道是人若能不惜身命勤行精進通達諸法無生無作則得度脫生老病死舍利弗蜜瓶是佛第一義法諸天世人衛護瓶者則是惡人樂行魔事自失大利亦遮他人行實相者失於大利舍利弗增上慢者皆是魔黨助成魔事咸共譏訶無生無滅法又舍利弗不淨說者我見人見衆生見五陰十二入十八界見未得謂得心計得道計得涅槃咸亦譏訶如是正法何以故是人貪著空故亦是魔衆魔所迷惑以我正法而作魔事舍利弗若在家出家

聞是無我無人無衆生畢竟空法驚疑畏者當知是人受魔教化是像比丘爲是盜法惡威儀者舍利弗是人則是我見衆生見有見無見常見斷見皆是魔民非佛弟子何以故我經中說一切世間皆空無我無我所無人無衆生無常無定無不壞法如是惡人亦復皆共讀誦是經爲他人說而心貪著我見人見如是癡人名爲造作苦因名爲反覆兩端名爲鬪亂破僧名爲汙染道法名爲沙門中濁名爲醜陋穢惡名爲但有言說名爲假僞沙門名爲沙門中貧名爲擔重擔者名爲欺誑諸佛名爲得逆罪者舍利弗是人名爲大惡逆賊名爲惡知識名爲破戒名爲邪見名爲外道名爲無實行名爲惡伴名爲殺鬼名爲癩瘡名爲臭穢名爲燒熱名爲詔曲名爲墮在黑闇名爲入稠榛林名爲墮生死流名爲互出惡者名爲地獄名爲畜生名爲餓鬼名爲阿脩羅名爲不入道者名爲欺誑人者

名爲自讚己者名爲行占相者名爲大聲喚呼名爲因利求利名爲汙染他家名爲常調戲者名爲散亂心者名爲貪所害者名爲瞋所害者名爲癡所害者名爲好面欺者名爲裹惱處者名爲無解脫者名爲憂惱縛者名爲非沙門形像沙門沙門旃陀羅沙門臭穢

念七

十

朱

沙門糠糟名爲難滿名爲難養名爲壞威儀者名爲無羞恥者名爲截斷頭者名爲身體壞者名爲袈裟繫頸名爲自入闇冥者名爲多貪欲者名爲多瞋恚者名爲多愚癡者名爲五蓋纏覆名爲沒者名爲虛者空者名爲癡者舍利弗云何名空違失諸佛讚善人相故名爲空違失一切沙門功德沙門事法故名爲空云何名爲虛在聖法外故名爲虛遠離空無相無願法故名爲虛舍利弗如是惡人能令魔喜貪著堅執虛妄法故同於凡夫備修是具有罪惡人相不似得法忍者沙門事法沙門功德百千萬分尚無一分舍利弗

是故名爲空者虛者但深貪著世間利樂非是沙門自稱沙門不應供養而受供養名爲常賊立幢相賊名爲自在殺害人賊是人所食一口皆不清淨唯有向道得道果者能消供養是人無此是故名爲不淨食者舍利弗是故名爲空者虛者於意云何若人殺生偷盜邪姪妄語兩舌惡口綺語貪嫉瞋恚邪見是人爲是常殺生不常奪命不不也世尊在家殺生不常奪命殺生時少不殺時多舍利弗於意云何若人偷盜偷盜時少不盜時多世尊不盜時多舍利弗於意云何若人邪姪邪姪時多不邪姪時多世尊不邪姪時多妄語惡口兩舌綺語貪嫉瞋恚時多不瞋恚時多世尊不瞋恚時多舍利弗是十不善道中何者罪重世尊十不善中邪見罪重何以故世尊邪見者垢常著心心不清淨舍利弗我今語汝若人一日殺百千萬億衆生一日偷盜百千萬億種金銀寶物邪姪者晝夜不息

朱

十一

念七

妄語者常欺誑人口業不淨無一實語兩舌者常破和合亦助破者惡口者口常惡逆乃至不說柔軟一語綺語者無有根本人聞此事以餘無量語言忤亂貪嫉者於他物中生非無心瞋恚者無有因緣橫起瞋恚懷恨滿心邪見者樂行非道舍利弗於意云何若人成就如是不善法者罪為多不甚多世尊舍利弗我今語汝若人百歲成就如是十不善罪破戒比丘一日一夜受他供養罪多於彼何以故是殺生者多人所知多人所識人所惡賤人皆知是殺奪命者罪人穢濁是染汙者不善無德人所離者又舍利弗殺生之人多奪他命或生厭心自知不是當得罪報人皆知惡無戒穢濁於此人所不望功德乃至折毛百分之一況謂福田而供養之又舍利弗是殺生之人其家妻子人皆悉知不共恭敬尚不令坐何況供養殺生之人以財自活養育妻子或時供養沙門婆羅門以此業報

得遇賢聖比丘比丘尼為說道法教離殺生捨其殺業於佛法中而得出家無有障礙得出家已近善知識得沙門果是人現世輕受罪報不障聖道得免三塗舍利弗於我法中有諸比丘非是沙門自言沙門非是梵行自言梵行斷諸善根障入涅槃迷惑失道破道因緣破諸善法行外道事入於惡道多諸怨賊空生受命猶如死人形色毀悴失正威儀於我法中名為汙染名為法賊名為逆人名為魔使猶如行廁亦如死狗如像沙門同沙門服無沙門事舍利弗譬如野干在師子羣亦如黃門在於轉輪聖王衆中亦如獮猴念七在於諸天亦復如驢在象王衆亦如盲人在天眼衆亦如蝙蝠在金翅鳥衆舍利弗破戒比丘在我衆中百千萬億諸天大衆見此比丘在衆而坐皆大憂惱而作是言如是惡人同用布薩是魔黨類欲聞無上佛道向白衣說復有信樂佛法諸龍鬼神等高聲大喚是惡

比丘何故於此隱藏其身似如惡馬在調善
馬中如是癡人自謂無有見知我惡自藏於
此欺詐天人爲是一切天人中賊衆共見已
皆更大喚舍利弗如是罪惡比丘爲是諸天
所知惡賊白衣無異而受供養逆禮拜合
掌恭敬弊人愚癡猶如死屍所著衣服皆是
偷得鉢中所食皆是盜取無人與者乃至少
水亦是盜得舍利弗破戒比丘所至之方若
至東南西北方皆是偷地而行何以故是人
所有威儀行法皆是偷盜假竊所作行立坐
卧來去視瞻屈伸俯仰著衣持鉢今但略說
身口意業有所施作皆是偷賊若有剃是人
髮爲剃賊髮舉要言之破戒比丘有所施作
皆是賊作舍利弗弊惡比丘乃至大小便利
澣手皆是賊法何以故舍利弗間浮提內皆
是國王及諸大臣人民所有及眷屬非人是
惡比丘於中爲賊舍利弗若王大臣於惡賊
所不望功德不言等我不言勝我破戒比丘
念十 朱十三

著聖法服於是人所望得功德是故聽使止
住國土若知其惡乃至墮地亦復不聽是故
舍利弗弊惡比丘動身所作皆是賊作名爲
常賊大賊立幢相賊打害一切世間人者何
以故無惡不作故是故舍利弗是惡比丘於
諸一切天人世間爲是大賊舍利弗若人是
一切天人世間大賊是人能消一飲食水不
不也世尊舍利弗於意云何是人非是大惡
人耶如是世尊舍利弗破戒比丘於諸一切
天人世間有大惡罪以是義故我說此偈
寧噉燒石吞飲洋銅不以無戒食人信施
舍利弗是破戒比丘無色無德無復志願身心
熱毒喜見惡夢不樂獨處或時獨處或時獨
行身則戰懼見淨戒者僻藏避迴心怯自媿
不喜欲見受供養時驚疑怖畏心常馳騁多
所想念深貪財利愛樂美食如是比丘命終
之後必入地獄舍利弗是名破戒比丘七憂
惱箭必墮地獄復次舍利弗破戒比丘樂在

衆闊散亂多詬性好嫉妒與破戒者以爲親友常樂論說破戒惡事以爲喜樂不知羞恥違逆深經心疑不信或時聞說如是等經疑逆諱競不樂聽受東西顧望心不專一以手掩口仰視虛空從座而去謗佛法教懷瞋恨心罵說法者以如是等過惡因緣命終之後深入地獄舍利弗是名破戒比丘八憂惱箭必墮地獄復次舍利弗破戒比丘好樂他事任持其理有闇諱處和尚阿闍梨讚其功德以求名利稱持戒者因以自活執事便附隨宜善巧無有羞恥猶如黑鳥爲僧因緣多求衣服飲食滋口身力肥盛不知慚愧言無次第手脚鹿燥顏色毀悴樂視婦人不附男子如是惡人衆所輕蔑天龍鬼神所不稱讚乃至諸佛亦不歡說心性急促常好瞋恚衆僧斷事狹爲勢力舍利弗如是破戒比丘多於衆中求有威勢未問而答常求他過見淨戒者謂是欺誑勤求道者不同其法喜樂別異諱者助喜舍利弗是

金七
朱
十四
舍利弗是名破戒比丘八憂惱箭必墮地獄復次舍利弗破戒比丘但樂尊重和尚阿闍梨讚其功德以求名利稱持戒者因以自活執事便附隨宜善巧無有羞恥猶如黑鳥爲僧因緣多求衣服飲食滋口身力肥盛不知慚愧言無次第手脚鹿燥顏色毀悴樂視婦人不附男子如是惡人衆所輕蔑天龍鬼神所不稱讚乃至諸佛亦不歡說心性急促常好瞋恚衆僧斷事狹爲勢力舍利弗如是破戒比丘多於衆中求有威勢未問而答常求他過見淨戒者謂是欺誑勤求道者不同其法喜樂別異諱者助喜舍利弗是

名破戒比丘九憂惱箭必墮地獄復次舍利弗破戒比丘好樂他事任持其理有闇諱處以爲喜樂衣服嚴身學他威儀求好卧具利養安身樂人稱讚護惜檀越及俗住處恐好比丘來見我過憎持戒者親附破戒常讚布施不讚持戒忍辱精進禪定智慧不讚寂滅遠離獨處常好譏論持戒者過亦不稱讚行頭陀者或指說其事或惡口橫加或憶想妄說依恃種姓數問親族以少因緣爲貪說法常以曲心而懷驚疑衆所憎惡久而益賤於持戒者常好譏說苦切實語者不欲親近意不喜聞如是等經好持讚誦如是經者聞說是經心歡喜者亦不喜見又不喜聞讚持戒法說是等經不來聽受設來聽受不义即還多與白衣而作知識常樂論說持戒比丘以得自在輕行暴惡舍利弗是爲破戒比丘十憂惱箭必墮惡道舍利弗我滅度後如是等人滿間浮提專行求利以自生活

佛藏經卷第二

念七

償常音
常牀榆下俗作床粧糠上音比蝙蝠邊下音
捕福音
步驟馳騁領下正作癡下正作贊並躁則到咗音
攀躋反
尼救反
諷誦麻反
跨苦化弱若效効也二同用做
販賣方反
拒逆上音
凌踐三反
悴悲辭恨十五末

胡懲莫北反
戾零反
擯必刃怨隙上音寃下冒
援助上子出反
沮壞上才反
翅去声
譏音施
僻足亦反
丙字闕
燥老相反
及憐流反

佛藏經卷第三

念八

姚秦三藏法師鳩摩羅什譯

淨法品第六

佛告舍利弗昔迦葉佛預記我言釋迦牟尼佛多受供養故法當疾滅舍利弗我法寶以多供養故後當疾滅舍利弗譬如貧人得大

一

正義本末

寶藏心則大樂如是舍利弗未來世中多有比丘親近白衣受其供養漸相狎習而與執事心便歡喜以爲悅樂猶如貧人得大寶藏如是癡人貴於世利世樂奴僕若見比丘多人供養心便謂之得阿羅漢見少欲知識便謂惡人如是比丘爲利養故捨無上佛道隨所樂者即成其事舍利弗如來於今爲是癡人說如是等經何以故破戒比丘聞說是經則生悔心當還持戒不作大賊受他供養舍利弗若有比丘得聞是經心不清淨不喜不樂是則名爲弊惡比丘何以故舍利弗淨戒比丘無法不樂若說布施若說持戒若說忍辱若說精進若說禪定若說智慧若說如是厭畏經法心皆喜樂舍利弗有三種人聞說是經心則憂悔何等爲三一者破戒比丘二者增上慢人三者不淨說法復有三種人聞如是經心則憂惱何等爲三一者人見二者命見三者我見舍利弗我今明了告汝如好